

T 5424 / 3221

馮少虛集缺葉表

卷十三 缺 古文輯選序一篇

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 22 1939

馮少墟先生集

大學漢和
圖書館珍藏印

少墟馮先生讀中秘書拜西臺風

西臺風

節文章有聲字內立何言伸而身

退里居掩關九載精研契悟講明

聖人之學從者如歸門下士多至

千餘人一時稱關西夫子云余適

奉

命按秦得卒業所著辨學錄疑思錄
善利圖說學會約諸書十數種抉
關啓鑰多發前人所未發辨學錄
參勘源頭最為得力大要排距二
氏似是之教尤謂釋家言竄蝕吾

道變幻其說含箴起津即宿儒慧
士間不覺墮彼瀆中是可患也故
茲錄其言甚辨其理入微不直刻
滌末流所由失直力剖本始所由
分昔人云儒釋差之毫釐謬以千
里此直云儒釋宗旨原隔千里絕

無毫釐之似至其言心則曰丟過
理說心便是人心惟危之心即有
知覺是告子知覺運動之覺佛氏
圓覺大覺之覺其言尤為痛切當
幾覲體直下信及直下就性命落
根真為數百季間聚訟之庭判未

了公案嗚呼渺論哉竊觀先生學
貴有主不貳以二不參以三用貴
實踐揅貴祇勅不為虛恢媮縱者
所借託夫有主則應千變而不可
惑實踐則究必到而不可欺祇勅
則神常惕而不可懈屹砥柱以遏

洪流堅鍵關以楹衆會其風窸然
惡可而言不以觴見之也其于本
也弘大而闢深其于宗也調適而
上遂矣儻所謂承前啓後非聖弗
遵非經弗由好修篤至身任先覺
者非邪蓋道學肇自虞廷講學創

自洙泗至宋諸君子始紹繹章明
之紫陽集諸儒大成推宗河洛然
於呂游楊謝猶斥其浸淫佛老不
少假相友善者如陸呂兄弟亦詆
子靜子約學傍近似而涉異端嗟
夫洞宗獲真憑虛失據學術小襍

濫觴靡止意念深矣

國朝薛文清獨尊紫陽云多聞見而後卓約弗為荒幻徑獵讀書錄令人穆乎有余思關以西稱呂文簡誠敬真篤正經息邪具載所著內篇中卓然醇飭先生其滌泗呂薛



合派紫陽而滌源洙泗乎是故其辨學也脉然若獨繭之絲凜然若春水之冰厚其防若千丈隄之不可潰遠其畛若風馬牛之不相及庶援彼入此推此附彼惚恍連行誦詭自恣之言無所假途而寄其

馮嘉定全集 八畢 五
譎今日者賴先生濬心敏行煜然
使學人耳目再一新已關中數十
季來道脉大暢文簡得輿先生超
乘俾橫渠之緒迄今布濩流行而
不韞韜炳炳麟麟豈不懿哉先生
家食久

主上行且賜環虛孤卿三事待之行
將以道德為事功是其土苴將猶
陶鑄宇宙者也若夫集中諸摛撰
歌咏自爾有德之言質有其文行
之必遠故合刻而為之序使學者
知所嚮方其願可探也

萬歷壬子仲冬長至日

賜進士第巡按陝西監察御史前奉
勅巡按直隸等處兵部員外郎中書
舍人新安畢懋康撰



附東

嘗聞先儒之言曰見到孟子道性善處
方是見得盡不佞亦曰見到先生說心
說理處方是見得盡真令人心悅意懽
莫可云喻者且大集中即單詞復語往
往使人乍泳而躍然湛思而未罄枝葉
華萼無不歸根江河盆盎皆可得月惟

是櫟檉之筆又何能贊一詞兼以日來
諸務蝟集昕夕拮据所不能視殮者若
而旰所自甲而達戍睫不交者若而宵
又無遑問文墨之事愈覺腸枯筆澁小
序率率塞白譬若從整敷而庶八高乎泰
山懷汎濫而測深乎重淵亦未一至也惟
大加郢斤幸甚

馮少墟先生集序

聖門之學至中正至平實而天下之
驚高奇者無當也濂洛紫陽諸君子
當漢唐寥寥後相與章明經術力排
似是而非之謬而聖學始揭日月而
行中間若象山陽明兩先生其悟道
發其見地高其平生操脩固卓然靡

間而獨其所為衡量徃哲辨難同儕
指點後學者或微涉顛造徑詣夫世
或有顛造徑詣之人而無顛造徑詣
之教二先生以見地為教故其門人
得二先生精意者徃徃振拔于問學
名節一時稱極盛而失二先生立言
本指者或藉解悟廢躬行或恣意圓融
開方便其流之弊衛道之士一能無
隱憂焉而况沿波流而彌下下者乎
秦中少墟馮公予自辛卯歲一慨秦學
曾識公都門比予垂去秦而公以按
宣大移疾還里嘗詣公齋中圖書四
壁泊如也予既焉悵公歸之晚而予
行之遽而嗣是公再入都更以直道

紕歸而下帷林卧與秦人士講明聖
賢之學者二十餘年而公之集始成
侍御東郊畢公按秦中亟梓行之而
予門人鄆陵令張君舜與公同志友
也持公集暨公書來屬予序予受而
卒業若關中書院記韓昌黎原道之
篇之所不能言當與定性等書並若

辨學錄疑思錄及它論學語嚴正學
之防謂異端本非是不得謂之似是
而于以痛懲末世廢脩言悟課虛妨
實之病中間至言精義多程朱諸君
子所欲剖析而未盡者如云或問天
命之性無聲無臭原着不得善字曰
天命之性就是命之以善何消着益

子道性善政直指天命之初而言耳
又云吾儒所謂善就指太虛本體而
言就指目中之不容一屑而言非指
景星慶雲金玉屑而言也又云人之
病正在無善乃反以無藥無豈不益
重其病而速之亡乎又云人心原是
活的如無一分善心便有一分惡心
又云易有太極乃天地自然的故無
思為有太極而無思為有物則而無
聲臭乃吾儒正大道理若舍太極專
講無思為舍物則專講無聲臭有是
理乎又云孔子七十而從心所欲不
踰矩文王純亦不已若孔子謂我得
矣便放開便是踰矩文王謂我得矣

便放開便是已其何以為聖人後世
學者只是越過守浮慕化所以敢于
放開率至于流弊不可言又云謂之
曰理自是無障謂之曰障還不是理
又云世之砥節礪行循規蹈矩而不
聞道者誠有之矣未有真能聞道而
不砥節礪行循規蹈矩者也又云不
質鬼神不可以言學不慎獨不可以
質鬼神又云一本大學都是釋格物
不必另補格物傳又云述而不作不
是聖人謙詞後世天下不治道理不
明正坐一作字又云只為志毅一念
不知壞古今多少人又云克己有當
下斬釘截鐵意不行頗費工夫不能

遽拔病根然亦克已之一法也又云
問豫立之意曰豫字即下文擇善固
執博學審問慎思明辨篤行又云近
世學者不論心之懈不懈理之明不
明而動稱不須防檢不須窮索以為
元妙是中佛氏之毒而借明道先生
以自解者也又云隨時變易而不從

道則小人而無忌憚是故君子無輕

言時公論辨若此等類翼往哲詔來

者砥頽波衛世道即令聖人復起宜

無以易斯言真洙泗之耳孫濂洛紫

陽之嫡胤也蓋予二年前聞公著有

善利圖說心疑之愛蹠善利廼孟子



提醒人心最剴至語安所煩圖說為

已而讀公圖說曰中間無路曰聖狂
分足處善念是吾真若要中間立終
為蹠路人嗟乎此仲好先生所以為
仲好者也視象山先生鵞湖辨論晦
翁聞而心折一時聽講人士相與感
動流涕者不尤直截痛切哉公又數
舉高陵呂文簡公時時以改過安貧

四字勸學人為同游告夫改過安貧
二義論語六藝諸篇中蓋珍重言之
末世視為卑淺語若無其高論者非
文簡公暨仲好先生安能為此言予
居恒謂講學非難本之身心真有以
自得為難其撰著論駁真足以正虛
幻之人心障茅靡之世教為難否則

雖言高于秋，是藻于春，華柰何言學也。公于象山陽明二家言，若相辨難實相成真。二先生益友矣。東郊畢公持節省方特，崇經術表章公集功在天下。與後世真紫陽先生同里，若張君舜典與公下上問辨最深。研又最精，詣曆之鄆陵，以政為學。蔚有三代以上吏道風，其得于公之靡切者遠矣。可謂有志者也。

萬歷癸丑嘉平月丹陽姜士昌仲文撰



馮少墟先生集序

昔吾夫子歎天下無聖人君子而思善
人有恆非以聖人君子爲絕德也善人
者生而善者也有恆者忠信之人也故
曰無而爲有虛而爲盈約而爲泰非有
恆也自古無不學之聖人亦無不學之
君子善人有恆可以爲君子以至於聖

人而皆不好學何則彼固生而善生而有恆也且其列於士人之林則亦嘗從事於學矣以爲吾自不爲不善何必更學夫資質之美者旣不好學而二人者之外又皆困而不學天下安得有聖人君子也聖人尚矣世有君子必講學以明道使彼二人者皆能爲君子與之持

宇宙而康民物然所講者必聖人之學乃可耳若馮少墟先生者則可謂明於聖人之學者也夫明於聖人之學然後能行行之與明固非有二也今夫學射者不操弓矢而談射非惟必不能射其所談者必無當於后羿學奕者不涉碁局而談奕非惟必不能奕其所談者必

無當於秋儲行之生熟而明之淺深隨之不能行而徒以其意想測度談道未有不差之毫釐謬以千里者若少墟先生之於道則可謂允能行之者也何以知之其所講者平淡而融徹平淡者聖人之正學也融徹者其體會真也今論語孟子之書具在論語所載夫子之言

有一語不平淡者乎然至元至妙在其中矣此所以爲聖人之言也孟子則闡明論語之言而時露其元妙固聖賢氣象之殊要亦覺悟後學有不得不然者夫語聖學之要則一敬盡之矣即致良知之說未若敬之一言正大而無弊也後之講學者又過爲元妙舍所戴之天

而言九天之上又言無天之天舍所履之地而言九地之下又言無地之地此與白馬非馬之辯何異愚者不必言矣忠信之人必聞而駭之以爲妖言夫吾之所望以共爲君子者在忠信之人而先令其駭則天下無復可與言學者適足以號召慙詭妄誕之徒爲斯道蠹是

以少墟先生之言是真能學聖人者也是真能爲君子者也是真能使天下人爲君子者也先生進則直諫以匡時退則脩身以正人是謂知行合一天下之真知也言行相顧天下之至言也余反覆先生之集想見其心極虛其量極廣其救世之念極切如是而有言安得不

洋々秩々也瓏璽其音者其質玉乎豈
不然哉余受先生之益多矣先生不鄙
而命爲之序余欣然命筆而以請正於
先生焉

萬歷甲寅秋七月高邑趙南星頓首謹

趙

南星

馮少墟先生集序

聖賢之學學爲人而已而人之所以有
生者獨軀壳也乎哉天生蒸民有物有
則孩提之童無不知愛其親也及其長
也無不知敬其兄也此豈煩教戒束攝
乎唯是情滋智鑿日失其所以爲人之
理故名爲人而實鄰禽獸故孟子常就

其發動端倪拈出以詔天下曰乍見怵
惕曰呼蹴弗受皆卒然觸之而本心便
不容不如是應者故知卽心卽理物外
無則而踐形順則存乎其人是以大學
首揭止善中庸究歸明善蓋皆實實見
有此理為人之不可須臾離者夫然故
緝熙非寂照恂慄非苦空而戒慎恐懼

非從事於虛無斷滅之歸者夫然故吾
儒之學為廣大而精微為高明而中庸
為費而隱為微而顯為下學而上達而
始終本末一以貫之輓近學子不得聖
賢以為依歸而一二好奇弔詭者影證
覺體遂以為心無善惡無事修持偈偈
焉鼓天下而趨之則性杞柳性湍水而

仁義果必成賊為矣幾何不率天下而
遍滿無忌憚哉仲好侍御力持正學刊
落詖淫自昔辛卯不敏於都下領承心
折久之繼先後以言事罷去而仲好造
日益深所著有疑思辨學諸錄及善利
圖說諸書院講語娓娓若干卷直從危
微精一闡發理會如朗日中天而近世

談空說無熒惑人耳目者掃之不遺餘
力烈矣哉仲好之功豈在孟氏下乎而
予且瞠乎後矣然仲好猶冲然不自信
屬有起予之望予何能贊一詞憶昔有
問於先文莊者曰程子謂在物為理將
理外乎先文莊曰且看大字云何夫程
子亦曰心之在物為理心之處物為義

故曰體用之謂也予恐天下或外心覓理而不深察於仲好惟一之旨故附此為請益地要於知言亦剩語耳

萬歷甲寅歲孟冬月旦安成年第鄒德

泳汝聖父拜撰



馮少墟先生集序

夫道生人失其所以為道則失其所以為人矣誰甘於失其人而每失其道弗思耳道貫於血氣之質弗相離也離道而抱空質焉與土梗何殊乎是道也其大無外或狹而小之其密無間或輟而斷之其粹無滓或點而鱗之是故與

為急焉學也者恢廓而使之大綿聯
而使之密滌盪而使之粹也道不待學
而有而昨學無以保其有昨學無以
及其有昨共學無以共其有故

孔子蚤歲志學沒齒不厭也然學亦難
言矣性天之奧本中有本胡以徹之
知見之紛岐中有岐胡以析之習情之

錮忽醒忽迷胡以覺之是用連朋講究
互參證以求至當相夾持而防墮落
故

孔子以不講為憂也夫道需學之需講
有不彙饑之食寒之衣者而講學羅世
訾昨盡世之尤也不學之士患在不講
講學之士患在不副或不艷為美稱

馮少坡集 戶部
擔簦聊聚朝。問路歲。不越閩辟
露背而談。九容揮玉塵。而稱儉素。於
我乎何有故。

孔門之訓。無行不與。夫惟相與。以行則學。
為真學。講為真講。而萬世宗之。無
歎也。少墟馮先生。沉潛聖學。踐履萬
至。問業之士。如雲。而先生惟有故似。

闡揚剴實。衛道謹嚴。蓋亦以行為講。
以行為學者也。道不在茲。我昔有問。
楚侗先生。以天命之性者。先生方歛。訓
解其人曰。意公自言之。其性耳。先生為
之矍然。慕岡先生。會友於白下。凝然相
對。或曰。馮公何無講座。上曰。此人渾身
是講。其志旨於論講矣。汴不肖仰先

生之行有年茲誦其講道之集著而
卷而窺君子之愷也敬綴數語志向
往焉

萬歷乙卯秋八月朔日安邑曹于汴謹
撰

馮少墟先生集叙

儒束髮竊有意于性命天人之間每謂
訓詁詞章非學也而制舉義尤甚自少
迄老沉酣於患得患失之途而不得出
于是吐青衿去之差覺耳目肝膽始為
我有而所謂性命天人之學亦輟不談
或詢之予曰吾有會于羣龍無首之旨

也今夫龍旱者欲得其霖渴者欲得其
珠乘風雲而上下者欲得其騰擲變化
之勢則餘姓而後龍溪已然矣數年來
談理學者獨闕西少墟馮公聲跡俱闕
北面而事者嘗數千人而莫敢有訾議
則何故余嘗卒業全集而後知公之無
間然也公之學戒空談敦實行即有商

略毋及朝廷利害邊報差除毋及官長
賢否政事得失毋及家門私事毋及詞
訟請託毋譏彈前輩毋傾陷同袍崇儉
德以敦素風酌往來以通交際嚴稱謂
以尊古誼絕告訐以警薄俗周窮約以
厚廉靖卹後裔以慰先德種種會約一
見于寶慶再見於關中非特發部擊蒙

移風易俗凡向來講學之流弊士大夫積習之膏肓悉從公道眼覷破親手拈出病根已淨然後與之梁肉又然後與之上藥禁齷則公疑思有錄訂士有編善利有圖太華諸會語是也峻二氏之隄防抽六經之扁鑰聖賢為神豪傑為善華嶽為骨黃河為舌讀其書可以望

而知其人矣儒也鄙無能蠶測管窺即有揣摩度不出諸名公弁語上獨喜公終日講學而若未嘗講學終日聚徒而若未嘗聚徒不冬門別戶不挿標樹羽不走時局不握朝權不招射的逍遙環堵之中超然免于言論之外非踐履嚴明涵養精潔何以有此出則名真御史

退則名真大儒是本朝孔庶間第一流
人物也詎止與張橫渠呂涇野鼎足關
西而已哉不佞儒懷中一瓣香今請為
少墟公禮却矣



小像自贊

謂汝學邪何垂老之
無知謂汝不學邪何
自劣之孽茲子佛老是
距鄒魯吾師平生所
學惟毋自欺尚揮戈
於末路庶不愧此鬚
屑 從吾



馮少墟先生像贊

像贊

亭亭鶴骨噦噦鳳鳴德符春藹正氣秋澄萬物同體一介必矜白玉絕類朱絲為繩茂叔之胷中灑落子輿之壁立峻嶒聖脈獨契關學大興自南自此如車指路橫說豎說如水建矜其隱也太華增而重其出也黃河忽而清豈待形求於巖野固將金鑄於帝廷者邪

旋除善類依以推轂君子慶其得輿展掌上之經綸共謂可將可相揭區中之山斗豈止異人異書直承正脈無忝大儒前有橫渠後有少墟舍先生吾誰與歸

又

穆如春風瞻有道之儀容淵然太冲窺含德之心胸澹泊無營者其純素之衷慷慨發蒙

者其啟牖之公同志景從鬱起一代之儒宗
邁往立隆身維百世之頽風疏水鼎鍾浮雲
舒卷於太空霧豹雲龍虛游渾合於鴻濛若
少墟翁者殆間氣之所鍾而障狂瀾於注東
者歟

金陵朱之蕃吏部右侍郎

又

望之嶽立嶙嶙岫岫即之玉映栗栗温温匪

又

天清氣和杲日凌空陽春鼓暢萬彙敷榮中
朝著蔡四方儀刑訂禎一脈千古斯文

安成鄒德泳太常寺卿

又

先生之氣凌華岳而直上先生之度納黃河
而有餘雄壓文壇鸞停鵠峙妙參道間魚躍

鴻白家類 卷一 修贊
鳶飛游詞林耻學墨卿之章句拜柱史抗言
人主之是非萬夫莫挽廿載閔居公庭削跡
衡門晏如窮性至命訂頑及愚辨釋老之千
里析義利之毫釐道學歸于有用聖真不落
空虛弟子執經而從者臣教忠子教孝朋友
聞風而請者德相勸過相規舉動慎平居顰
咲出處係世道安危濟川之舟向夕橫於渡
口擎天之柱終借重於關西大理特召總憲
道不談匪禮不行在學為牛於世為繩德崇
業富十九田居天欲平治誰其舍諸

安邑曹干沐

南京掌院
右都御史

馮恭定先生全書目錄

卷一

語錄

辨學錄

卷二

語錄

疑思錄

卷三

語錄

疑思錄

卷四

語錄

訂士編

卷五

語錄

關中士夫會約

卷六

語錄

學會約

戒

諭俗

卷七

語錄

寶慶語錄

卷八

語錄

善利圖說

卷九

馬少虛集

目錄

語錄

太華書院會語

卷十

語錄

太華書院會語

卷十一

語錄

池陽語錄

卷十二

語錄

關中書院語錄

卷十三

序

濂洛文抄序

關學編序

寓燕課錄序

呻吟語序

丁未冬稿序

明道集抄序

思菴野錄序

理學平譚序

認字測序

秦關全書序

正學書院志序

桃園日錄序

硃已名言序

東遊稿序

學翼序

疑思錄序

辨學錄序

馮氏家乘序

馮氏族譜序

遊秦小草序

理言什一序

涇野先生語錄序

薛文清先生全書序

聖學啓關臆說序

長安縣志序

越中述傳序

姜鳳阿語錄序

鄭溪書院志序

旌烈錄序

森玉館集序

古文輯選序

卷十四

說

做人說上

做人說下

講學說

夢說

天道說

名實說

勤儉說

孝弟說別孫生繩祖

書孝弟說贈甯孝子

又書孝弟說贈馬孝子

顧用晦字說

箴

座右箴

贊

秦關先生像贊

解

命解

論

論荀卿非十二子閣試

聖之時論館課

卷十五

記

關中書院記

復性堂記

關中書院科第題名記

書

與友人論文書

館課答同志問族譜

奉許敬菴老師

答李詢莢同年

答饒映垣同年

答蕭慕渠老師

答強睿菴侍御

與友人

答遠確齋給事

答涂鏡源中丞四

答楊原忠運長七

答喬裕吾同年

與楊晉菴都諫

答朱平涵同年

答汪明卿學博

答李翼軒老師

答江劬見比部

答鄒南阜先生三

答余少原廷尉

答楊原忠郡守

與趙夢白先生

與鄧允孝布衣

答韓旻阜司李

答吳繼疎中丞

答黃武臯侍御

答羅匡湖給諫

答顧良知布衣

答張居白大行三

答高景逸同年

答楊晉菴都諫

與王保宇郡丞二

答史蓮勺侍御

與沈芳揚太府二

答王蒼坪明府

答陳可績茂才

答吳百昌中舍

答南二太中丞

癸亥

卷十六

雜著

百二別言

釋褐後書辟自警二則

董揚王韓優劣館課雪夜紀談

書周淑遠卷

別李子高言

別李士占言

渭濱別言贈里東郊侍御

書江布衣卷

別河津窰董五生

題辭

關中四先生要語題辭

學會約題辭

關中士夫會約題辭

輔仁館會語題辭 朱貧士行錄題辭

跋

孟雲浦教言跋

劉孟直獄會雜詠跋

周淑遠遊華山詩跋

理學詩選跋

辨學錄跋

古文輯選跋

墓表

明誥贈奉直大夫冀州知州東泉楊公

配贈宜人陸氏合墓墓表

墓誌銘

王氏女墓誌銘

卷十七

傳

河南衛輝府通判一軒劉公傳

西郭先生傳

朱貧士傳

貢士樊公傳

楊繼母傳

四先達傳

尚書雍公
給諫張公

大叅李公
尚書劉公

蕭沈二先生傳

祭文

祭王蓮塘太史文

祭許封翁文

祭姚西郭先生文

祭孟雲浦先生文

學會公祭王經軒文

祭韓旻阜郡丞文

祭伯元文

詩

關中四先生詠

涇野呂先生
苑谷韓先生

谿田馬先生
斛山楊先生

觀書吟

善利圖

自省吟

讀書

丙申春日與同志

論學因及莫春章有

感為賦十二絕

勉學

讀易復卦

答友人問坐馳

讀割烹章

余自戊戌臥病閉關九年至丙午冬始

勉赴學會感而賦此

偶書

戊申莫春偕王惟大郡丞宜化汝刺史

劉五直郡丞楊工載進士周淑遠大

叅張去浮學博宜叔尚文學講學太

華山中同志至三百餘衆

讀敷初章示門人

讀陋巷章自勗

中和吟六言十絕

夏日郊居有以腴田求售者余辭去賦
此志喜

寄懷鄒南臯先生

與同志講學太華書院

卷十八

奏疏

論劾險佞科臣疏

請修朝政疏

請告疏

公移

申飭放關行蒲臺縣

禁革吏承夙弊行五道及二運司

稽察承差行真定縣

嚴催掣鹽行山東運司

剔除奸蠹行蒲臺縣

破積弊開自新以正鹽法行山東范運

同

發山東運司告示橐

尊崇名賢行在平縣

優禮名賢行泰安州

清理鹽法行山東運司

又

尊高年以重名教行齊東縣

批山東運司問過路上陳偉器詳

表隱德以勵世風行分守濟南道

卷十九

族譜

例義

世系

世傳

外傳

譜訓

卷二十

家乘

誥命

誌銘傳表

贊

名宦鄉賢志傳公移

卷二十一

關學編

卷二十二

關學編

家大人稟自己丑至壬子按臺畢公序
而刻之已行世久矣癸丑至辛酉夏余
小子恐其散逸各以類附刻焉

覽者鑒之

不肖仲男嘉年書

蘭學編

家大人事自己至壬子年
而刻之已行世久矣
小子恐其流逸各以知附列焉

不肖仲勞

